

1

440(22)

0-1b

~~7/24~~
~~8/22~~

K32/27

Naoa.

1/4

Divination - cases and methods, Leeuwpoort.
Bongaka.

1b

Bongaka ba Sesotho bona le magolo a mantši kapa tiro ya mefuta. Ngaka e ngwe ba re ke Jimi ngontse yena o itse go boledisa phafana ya lerakana. Go thwe ba topa segwana sa lerakana le omileng, mme ba se sete pila go ira molomo. Janong ba yo lata mofura, ba tsee ditlhorō tsa wona ba ntshe moko ka gare go sala dikgapetla tse se nang moko ka gare mme ba di phunye ka elese mo ba tlang go loka kgole kapa mogala.

Fa ba kgetha ditlhorō tsa mofura ba kgetha tse pedi, e ngwe ke ya mosadi e ngwe ke ya monna, mme ba di lokela mo thapong gore di bopane. Kgapana g ye ba e phunya matshofa a mabedi, le lengwe ka fa le lengwe ka mo, gore go tle go tsene thapo e rweleng dithapo tsa mofura.

2

Ka ga go tlhatholla sileng monna wa Lerotsi ya agileng ga-Rakgotho. O re pele go tsawa mafsi a karwe, fa a sa no go karwa, go tswa mafura a bareng ke sedibelo. Janong wona mafura a a kgomo a go karwa a tlhokana le setlhare se ba reng ke monyanyo. Monyanyo ba tsaya mudi wa wona ba o sile, mme ba tlhakantshe le sedibelo. Mme janong ba tsaya ditlhorō tsa mofura a go nka, ba lokele se-tlhare se sa monyanyo; fa ba se loketse ba tseye dithapok ba di phunyetse mo ditlhorong mme ba goge thapo ye ba e tsenye merobeng a phafana.

Fa ba irile bjalo, ba tsaya setswalo ba tswalle pila ba tlotse mmotu gore go se ke ga tsena phefo; pele monna o gemela ka moya ka mo phafaneng a kgone a thiba. Mme fa a tswadile pila o baya phafana ya gagwe nakonyana ya go tloga bosasa go fitlhela motshegare o mogolo. Fa a boya o kgurula phafana ye, mme a thome go e lotsha le go e botsisa maphelo.

Ga phafana e sa bolele o tsamaya nakwana gape fa a boela gape e tla bolela, pele e bolela e tla letsa molodi e re tswee, e bolele e re dumela o kae, nna ke teng. Mme ba re phafana e tla thoma

go o bolella bolwetse

S440

K32/27

2

- 3 ba gago, le setlhare se o ka se nwang; gape e tla go bolella le mokgwa wa bophelo ba gago.

Seleng monna wa Morotsi o re kwa ga gabo mosadi ga a disiwwe ke monna, fa monna a ya golo o tlogela phafana mo mo gae. Fa a boya phafana e tla thoma go mmoledisa ka go letsa molodi. Ga mosadi a ne a na le monna yo mongwe phafana e tla bolela. Go thwe phafana ye e na le mantswa a mabedi la mosadi le la monna. Ka nako e ngwe go bolela monna ka e ngwe go bolela mosadi. Se sengwe le se sengwe se se iragalang mo gae phafana e ya se bolela.

Ga motho a fitlha e le moeng phafana e itse leina la gagwe, le mo a tswang teng le ditaba tsa gagwe ka mphela. Ba re fa phafana e ya mofuta wo e le teng ga ya tshwanela go tshwarwa ke mosadi ya ileng kgwedding kapa ya moimana, fa a ka e tshwara o tla tswa madi a tshosang ka tlase, go fitlhela batho ba makala ka mphela.

- 4 Go thwe bogolo-golo kwa Borotsi mosadi o ne a sa diswe, go ne go disa phafana ye monna yo mongwe le yo mongwe a na le yona. Go thwe e laodisetsa motho le ditlhare tsa malwetsi a motho.

Go na le nawa e bitswang ya dibabala, nawa ye e mafuta e mebedi, e kibidu le e tshetlha. Dingaka di e irisa go itaya kapa go upulla phupu. Go upulla phupu ke gore fa motho yo a suleng a ne a loilwe motho yo a mmolaileng le yena a latele mogo.

Ngaka ye ba reng Seforo wa Motlhoki wa tshaba sa Mfatlha ya agileng ga Sefata-mollo, o ile a swelwa ke kgaitisadi wa gagwe mme a tsaya nawa e tshetlha a e epela tlhogong ya lebitla gore e mele. Ba re e tsaya matsatsi a fera-pedi gore e mele, go thwe fa e ntse e bola pele e mela, mmolai o tla thoma go buduloga mpa, ka tsatsi la bo-ferapedi fa e mela, mpa ya motho e ya phatloga e nne lesa.

- 5 Mme nawa e e bolaileng Magerita Makakaba ngwana Rasekgwari monna wa Mfathiha ke e tshetlha e e neng e upetswe ke Seforo. Nawa e kgibidu ba re yona e mela kapele, fela ba re e atisa go fosa, e phalwa ke e tshetlha.

Mokgwa wo mongwe wa go upulla lebitla ke wa selepe, ngaka e tsaya selepe e se remele tlhogong ya se tloeditswe ka ditlhare tse soro tsa baloi. Fela mokgwa wa go itiya lebitla ka mofuta wo o soro ka thata. Yo mongwe le yo mongwe wa gabo moloi fa a ka lla o ya swa, ba swa sekgogo, yo mongwe le yo mongwe ya ka llelang ya swang.

Ngaka ye ba reng Sekepe wa Mokwena ya agileng Dilokwaneng o kile a fetsa batho ga Seleka ka go upulla jalo, mantlu a ba a tswa lwa ka masasa bang ba sule ka mphela.

- 6 Kajeno ngaka ye ya Mokwena e gana go upulla phupu ya re ke feditse setshaba sa Molimo ka gore ke batla legumo.

Monna yo mongwe wa gabo Moruti Bagolo, o tlhatholla bofafi bo bo bitswang mafongfonyane ka mofuta wo. O re fa ngaka e batla go ira mafongfonyane e phutha marapo a diphoofolo tse ntsi, mpja tshwene, tau, phiri, kgabo, nakedi, mmutla, phofu, tlou sentawane le bere le a tse dingwe gape.

- 7 Janong marapo o a tsaya bosiu a sa bonwe ke motho, e re mo go swetseng motho e kwa mabitleng a a kgupetse teng nakonyana ya matsatsi. Mme fa marapo kgupetswe godimo ga lebitla, go tla tswa lebitleng tshotshowane tsa lerwana tse neng di ja setopo sa moso; mme di tsena ka mo a marapong a diphoofolo, janong ge ngaka e fitlha e ntsha marapo a yona, mme e yo go a sila boleta thata ga e feditse go sila, janong o gumane setlhare sa boloi ba go gafa.

Fa a rata gore motho a tsenwe ke mafongfonyane, o mo tshelela mo teeng. Bogafi bo ba mafongfonyane kgale Basotho ba ne ba bo itse, bo tswa kwa Natala le ngaka tsa Matsula. Go thwe

S440

K32/27

H*

fa motho a tsenwe ke bogafi bo, o bona batho ba bannyane ba bitswang mafongfonyane, mme go thwe ba mo ranokisa. Ga a bone batho, o bona bathonyana ba fela.

Basadi ba babedi ba ga kgopa Baphalane ba agileng Dilokong ba ile ba jesa Moruti Samuel Kgwele ya agileng Dilokong mafongfonyane a tswang Gauteng. Ba ne ba mo rata thata fela ka tsatsi le lengwe Beta mogatsa Kgwele mmaina phofu wa ga Mmapela a re a na le basadi ba a ba bolella gore o ba gatisitse kota ka gore Moruti o ne a mo reketse ditilo le tafole.

END .S 440.